

- Policija – 122
- Vatrogasci – 123
- Služba hitne medicinske pomoći – 124



**Dostavljeno:**

- Naslovu (putem emaila)
- a/a

Broj: 05-4073/2026  
Sarajevo, 16.01.2026. godine

**KANTONALNE UPRAVE CIVILNE ZAŠTITE – svima  
OPĆINSKE/GRADSKE SLUŽBE CIVILNE ZAŠTITE (putem Kantonalnih uprava  
civilne zaštite) - svima**

**PREDMET:** Upozorenje zbog naglog topljenja snijega, *dostavlja se,-*

Federalna uprava civilne zaštite, postupajući u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), upozorava građane na povećan rizik od posljedica naglog topljenja snijega uslijed najavljenog značajnog porasta temperatura zraka u narednom periodu.

Prema prognozama Federalnog hidrometeorološkog zavoda BiH, očekuje se porast temperatura zraka koji može dovesti do intenzivnog topljenja snijega, porasta vodostaja rijeka i potoka, te mogućnosti pojave lokalnih poplava. Također, zbog zasićenosti tla vodom, postoji povećan rizik od klizišta i odrona, naročito na ranije evidentiranim i ugroženim područjima.

U cilju zaštite života i imovine, Federalna uprava civilne zaštite preporučuje nadležnim službama da pojačaju praćenje stanja na terenu i preuzmu sve potrebne preventivne mjere. Cilj ovih mjera je da snage na terenu budu spremne kao prvi odgovor, u skladu sa svojim nadležnostima, obavezama i važećim planovima zaštite i spašavanja, te da pravovremeno reaguju na moguće opasnosti radi zaštite ljudi i materijalnih dobara na području kantona, općina i gradova.

Ujedno, građanima se preporučuje da:

- prate zvanična obavještenja nadležnih institucija i službi,
- preuzmu mjere samozaštite i zaštite imovine, posebno objekata u blizini vodotoka,
- očiste odvodne kanale, šahtove i prilaze objektima, gdje je to moguće,
- izbjegavaju kretanje u blizini nestabilnih padina, klizišta i odrona,
- u slučaju uočavanja izlivanja vode, odrona ili drugih opasnosti, odmah obavijeste nadležne službe.

Federalna uprava civilne zaštite, u saradnji s drugim nadležnim institucijama, kontinuirano prati stanje na terenu te poziva građane na oprez, odgovorno ponašanje i saradnju. U slučaju neposredne opasnosti i ugrožavanja ljudskih života, potrebno je odmah pozvati:

- Operativni centar civilne zaštite – **121**